

UTL AT DOWNSVIEW



D RANGE BAY SHLF POS ITEM C
39 10 10 04 06 026 6

DR
592
04S2


Safa, Payami
Degerli kumandanlari-
mizdan Koprilili Kazım
Pasa

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

1586

10/307



دہ کرلی قوماندانلر مزدن

کو پریدیلی کاظم پاشا

جو ہونقلی و کنجلیکی — آنادرلودہ کی میانی
— رسمی ترجمہ مالی و شخصیتی



محرری : پ . ص

۵ غروش

[اور خانیہ مطبعہ ۱۳۵۴]

1. الحمد لله

الحمد لله الذي هدانا لهذا
ما كنا لنهتدي لولا أن هدانا الله

والحمد لله رب العالمين

Safa, Peyami

ده کرلی قوماندانلر مزدن

Dğerli kumāndānlarımızdan

کوپریلی کاظم پاشا

Köprilili Kāzım Paşa

چو جو قلفی و کنبجلیکی — آنادرلوده کی میانی

— رسمی ترجمہ مالی و شخصیتی

فہرست

۳ ایضاح

۶ چو جو قلفی و کنبجلیکی

۱۲ آنادرلوده کاظم پاشا

۱۷ ترجمہ حال رسمیتی

۲۱ شخصیتی

طابع و ناشری
« اورخانیہ » مطبعہ سی


محرری : پ . ص

• غروش

DR

592

04 S2



کوپریلی کاظم پاشا

ب. ایضاً

بو کوچوک اترك قيمتلى موضوعى تشكىل ايدن
كوپريلى كاظم پاشا ، مى انقلابمىزك هر صفحه سنده
صميمى بر مملكت عشقيه چالشمش ، ديدنمش ، اوغراشمش
واوردويه ، ملتہ معظم خدمتلى ايتماشمش سردارلر مژدندر.
تورك ملتى ، كوپريلى كاظم پاشايى هر بحرانلى زمانده
ايش باشنده كوردى . مشروطيت انقلابى حاضر لامايه
چالشان بويوك تشكىلاتدن اعتباراً ، اون بش سنه لك
اوزون ، وقايعه دولو بر دوره ايچنده ، كوپريلى كاظم
پاشا فاصله سز بر غيرتله وطنى وظيفه سى باشندن آيريلامشدر.
دها ۳۲۲ تاريخنده مشروطيت انقلابى ياقم ايچين
روم ايلي اختلاجيلرى آراسنده ايدى . مشروطيتك
اعلانده اهميتلى بر عامل اولدى . ۳۱ مارتده استانبولده
طوتوشان ارتجاع حركتى تپه له مك ايچون كلن حركت
اوردوسنك غيرتلى عضولر ننددى . بالقان حربنده ، اك
بويوك حركات حربيه يه اشتراك ايتدى . عمومى حربده ،
روسلر قارشى اك مدهش جداللك قهرمانلرندن برى

اولق شرفنی قازاندی . او حربك جريان ايتديكى کوچ
و آغیر شرائط ایچنده روسلره قارشى بعض مهم غلبه لر
احراز ایتکده موفق اولدی .

حرب عمومی یی تعقیب ایدن ایلک سنه دن سوکرا،
بالخاصه از میرک فجیع اشغالندن اعتباراً ، یایندن قورتولان
اوق کبی ، ملی جدال صحنه سنه آتیلدی و بر طرفدن
ائتلاف دولترینک ، اوتیه طرفدن دوشمانک ، کریدن
استانبول حکومتک ازیجی تضیق لری آراسنده ، هیچ
یوقدن بر تورک اوردومی وجوده کتیرمکه چالیشدی ،
بو تاریخی ایشنده موفق اولنجیه قادار ، بر ثانیه بیله
ییلغیلق کوستر مه دی . از میر اشغالی ائناسنده ، آنادولوده ،
شهردن شهره قوشدی ، حکومت ، اشرافه ، اهالی یه ،
ضابطانه ، منفرد عسکری زمهره لره ، رسمی و غیر رسمی
اشخاصه و هیئت لره مراجعت ایتدی ، ملی بر مقاومتک
تملرینی قورمق ایچین نفس توکه تیرجه سنه اوغراشدی .
داماد فریدک او خان زوربالرینی ، آنزاوورلرینی ،
قوای انضباطیه سنی تام زماننده و مکمل بر طرزده
تپه لهدی ، داغیتدی ، کوکندن محو ایتدی . آله پازاری
ایز میت وجوارندن یونان استیلا سنی قلع ایدن ده کاظم
پاشادر . او زمان ، بوتون دیللرده ، بوشجیع و قدرتلی
سردارک اسمی آکیلوردی . آنادولونک دورت سنه لک
جنگ تاریخچه سنده قوجه ایلی غروبنک ایفا ایتدیکی
مهم ، تاریخی ، بویوک خدمت لره نه مهم بریر طو تدینی



دوشونولورسه كاظم پاشانك مى انقلابم زده كى رولى حقننده
بر فيكر حاصل اولور. بالخاصه ايكنجى اين اوكى وسقاريه
حربلرنده ، منفور دوشمانك بر جهه سنى دائما مكمل بر
طرزده تهديد وتنكيل ايدن بوسر دار ، يالكز تشكيلا تيجيلا قده
دكل ، حرب فننده ده ياراتيجى دهاسنى كوستردى .

بو كوچوك رساله مزده ، بويوك سردار كو پريلىلى
كاظم پاشا حضر تلرينك چو جوقلقلرندن ، صوك مى
ظفر مزه قادار ، حياتنك اك مهم صفحه لرني چابوق ،
فقط اكسيكسز بر طرزده كوزدن كچيره جكز وبو بويوك
قورتاريجيمزه نه ييغين ييغين شكران و منت حسلرى
مديون اولديغمزى ابرازمه چاليشه جفز .



چو چوقلغى و كىنجلىكى

كوچوك عسكر - عسكرى حياته ايلك ابتلالى - مشروطيت
انقلابى تائىرلى - عمومى حربى روسلر قارشى -
آذربايجانده احراز ايتدىكى بويوك غلبه ومظفريتلىر

كوپرىلىلى كاظم پاشا ۱۲۹۸ دە (كوپرىلى) دە دوغدى،
عسكر اوغلى عسكر در . پدرى مير آلاىلقدن متقاعد
اسماعيل بكدر .

كاظم پاشا ، بويوك عسكرى مفكوره سنك حرارتى
پدرندن المشدر . دها كوچوك ياشده ايكن اوردويه ،
عسكرى حياته قارشى قوتلى بر كوكل رابطه سى طاشيوردى .
أوده عسكرلىككن ، اوردودن بحث ايدلىكى زمان ،
كوچوك وذكى ياورو ، معصوم كوزلىرى آچهرق ، بوتون
بونلرى دقتله ديكليور ، آرا صيرا بعض فكرلر سويليور ،
بالخاصه عسكرلىكه قارشى انجذابى هر وسيله ايله كوسترمكن
كرى قالميوردى . اقربالردن بعض ذاتلر ، كنديسنه ،
بوويدىكى زمان هانكى مسلكى ترجيح ايدمىجى
صورارلردى . كوچوك ياورو ، بر ثانيه بيله تردد
ايمىدن :

— عسكر اولاجىم !

جوانی ویرر ، بو آرزوسنك سینی آ کلامق ایسته -
 ینلرده وطنی قورتارمق ایسته دیکنی سویلردی . بو
 وقعه لره کوره ، کاظم پاشاده عسکری حیاته قارشى آرزو،
 بعض چوجوقلرک پارلاق اونيفورمه لی اثواب کیمک
 ایسته مه لرندن عبارت کچیجی هوسلرندن بام باشقه
 ماهیتده ایدی .

پدریه هر کون قیشله یه کیدر ، ضابطان و افراد
 آراسنده ساعتلرجه اوطوروب قونوشمقدن بیقماز ،
 قیشله نك کورولتولو حیاتندن خصوصی برذوق آلیردی .
 برچوجوق ایچین صیقچی اولق لازم کان او عسکری
 محیطه درین برسوکیله مربوطدی .

پدری سواری ضابطی اولدینی ایچین ، یاورو کاظمی
 آته بندیریوردی . کوچوک عسکر ایچین ، سواریلک ده
 نهایتسز برا کلنجه منبعیدی . آت اوستنده کیتدیکی ساعتلرده
 خولیا لری حقیقت اولان بر مفکوره جینک سعادتلی
 حس ایدردی .

اوغلنده عسکری حیاته بو درجه مجلویت کورن
 پدری ، نهایت ، یاوروی عسکری رشديه سنه ویرمکی
 دوشوندی ، (کوپرلی) دن اسکوبه کوندردی .
 اسکوب ژاندارمه قوماندانی راسم پاشا ، یاورونک عموجه -
 سیدی . پاشا ، کاظم افندی یی درحال عسکری رشديه سنه
 قید ایتدیردی .

چوجوق کنديسنى بويوك غايه سنه ايريشديره جك

اولان بوايلىك آرزوسىنىڭ حقيقت حالە كچىدىكى كورنجه
 پىك سويندى و عسكىرى رشديه سنده درحال قابليتى
 كوسترمكه باشلادى . كاظم افنديده قوتلى و صميمى بر
 عشق اولديغى بوتون معلملر و اداره هيئتى ، درحال
 آكلادىلر . مكتبده هر كسك توجهنى و آرقه داشلىرىنىڭ
 حرمتى قازاندى .

عسكىرى رشديه سنى اى بر موفقيته بىترد كدن صوكر
 اسكوبدن مناستره كيتدى و مناستر اعداديسنه كيردى .
 تاريخ و رياضيه درسلىرىنه محبيله معروفدى .

۱۳۱۸ سنه سنده حربيه مكىتىندىن ملازم ثانى رتبه سيله
 چىقدى ، اوزمان تام يكرمى ياشنده ايدى . ترجمه حال
 رسمى سنده عسكىرى حياتىنىڭ مختلف صفحه لرى حقنده
 آريجه معلومات ويره جى . حربيه دن چىققدن برسنه
 صوكر ، مملكتته خدمت ايتىك ايچىن ، مطلقا سياسى
 فعاليت باشلامق لزومنى آكلادى و اتحاد و ترقى جمعيتنه
 كيردى . اوزمان آرقه داشلىرى آزدى . اشقيا تعقيبى
 ايچىن (منلىك) د كيتدىكى زمان (منلىك) و (پتريچ) ده
 اتحاد و ترقى تشكىلاتى ياپدى . ۱۳۲۳ ده (سيروز) ده
 كلهرك اوراده عىنى تشكىلات ايچىن چاليشدى . معلومدركه
 مشروطيت ، ايلك دفعه اوشهرده اعلان ايدىلش ، زيرا ،
 مشروطى اداره همان قبول ايدىلدىكى تقديرده ، سيروز
 شهرى ، خاندانك ارشد و اكبر اولادينه تجديد بيعت
 ايدى جى . تلغرافله پايتخته بىلدىر مشدى . بو معروف

تلغراف، سعید پاشانك خاطر اتنده مذکوردر. مشروطیت
سیروزده، ۹ تموزده اعلان ایدلدی.

کاظم بك، ۳۱ مارتیه قادار سیروزده قالدی.
استانبوله کلیشی، حرکت اردوسیه برابردر. حسن عزت
پاشانك امرنده کی مرتب فرقه نك ارکان حربیه سنده
ایدی. روم ایلینك تخلیه سنده ینه استانبوله کلدی.
خورشید پاشانك قومانداسی آلتنده صول جناح ارکان
حربیه سنده بولوندی. ارکان حرب رئیس انور ایدی.
ادرنه یه قارشی حرکتیه اشتراك ایتدی. صلحدن صوکر
تکرار استانبوله کلهرك محافظلق ارکان حربیه سنده
ومرکز قوماندانی معاونلک سنده بولوندی.

حرب عمومی یه تقدم ایدن آیلرده بیکباشیلغه یوکسه.
لهرك وان والیسی تحسین بك دعوت و آرزوسی اوزرینه
وان ژاندارمه قوماندانلغنی عهده سنده آلدی.

بویوك حرب چیقنجه، حدود افرادی و کوردلردن
مرکب برژاندارمه فرقه سی تشکیل ایتدی. او صیراده
ارمنیلرده کیزلیدن کیزلی یه ملعونجه فعالیتلرده ایدیلر.
فقط حس ایتدیرمه مکه چالیشیورلردی. حتی، ارمنی
اشرافندن (آرام) و (وره میان) اسمنده ایکی آدام،
کندیسنه مراجعت ایدرك دیدیلرکه:

— ارمنیلر، سزدن هیچ برزمان آریلق ایسته مزلر.
بر تورکله ارمنی آراسنده فرق کورمه ییکیز، ارمنیاری ده

سلاحی عسکر یاپیکز ، اصل او زمان سزه صداقت
کوستره جکلردر .

کاظم بك ، ارمنیلری ده عسکر یاپمش ، فقط بو
ملعونلردن بر قسمنك (خانیک) ده روس اوردوسنه
التحاق ایتدیکنی کورمشدر . مع هذا ، روس اوردوسنه
التحاق ایتیهرك ئوز تورکلرله برابر چارپیشانلر ، اوردومزه
صداقت کوسترنلر و بزم عسکرلرله یان یانه ئولنلرده
واردی . (خانیک) ده ارمنیلرک قجه جه التحاق و فراری
یوزندن الیم بر بوزغون اولمشدر .

کاظم بك ، کندی ژاندارمه فرقه سیله آذربایجانده
روسلره تعرضه کچمش ، مکمل بر موفقیت قازانمش ،
کهنه شهر ، رومیه و دیلمانی ضبط ایتمشدر . ایران آذربایجانده
اهالی ، فرقه یی بك بویوک بر سویجله قارشیلامشدر ،
قربانلر کسمشاردر .

بالا آخره ، مرکزدن یاپیلان صاییسز خطالر یوزندن
او جبهه مزده نه الیم هزیمتلره اوغرا دیغمزی هر تورک
بویوک بر اضطرابله خاطر لایه بیله جکندن کاظم بك
متارکدن صوکرکی تاریخی و بویوک خدمتلرندن بحث
ایده جکز .

حرب عمومیده بعض درایتسزجه امرلره مطاوعی
مجبوریتده قالان مشارالیه ، متارکدن صوکرک اتمامیه
حر و سر آزاد چالیشه بیلدیکی ایچون دهاسنك بوتون
قابلیتلرینی ابرازه موفق اولدی .

آشاغیکی سطرلرده ، قهرمان سردارک نه بیتمک
 توکنمک بیلیمین بر مفکوره عشقیله چالیشدیغنی ذکر
 ایدده جکمز .



آبادولوده کاظم پاشا

ازمیرك اشغالی اثناسنده - ایلک ملی مقاومتی احضار -
استانبول حکومتیله مجادله - آنزاوور و ملعون آرقة داشلرینی
تنکیل - قوجه ایلی غروپنك خارقه لری

متارکه دن اول فلسطینه کیتمک ایچون فرقه سیله
استانبوله کلدی. فقط ، فرقه قسم قسم سوق اولوندی.
کاظم پاشا ، ایکی دفعه مآذونیتله از میره کیتدی .
از میره ایکنجی کیدیشنده ، برکون ، قهوه ده
اوطور و یوردی . برضابط ، کندیسنه ، ازمیرك اوکیجه
یونانلیلر طرفندن اشغال ایدیله جکنی خبر ویردی . بو
مشئوم حوادث ، وطنپرور کاظم بکک قلبی بر ییلدیریم
کچی یاقدی . بر چوق ضابطلر و مأمورلرده بو خبری
تأیید ایدیورلردی . مملکتک منورلری ، کاظم بکله
برلکده ، اعدادی مکتبنده طویلاندیلر .

هیجانلی نطقلر ایراد ایدلدی. هیئت ، والیه مراجعتی
قرارلاشدیردی . بو مراجعتی صوغوق قانلیلقله استقبال
ایدن والی دیدی که :

— تلاش ایدیله جک برشی یوق . حکومت هر شیئی

دوشونور . اتحادجیلر شهرده هیجان تولید ایتمه
چالیشورلر ، قایلما ییکز !

بو جوابله عصبیلشن هیئت ، برمذا کره دن صو کرا ،
تسکرار والی یه مراجعت ایتدی . والی ، دول ائتلافیه
طرفدن بویله بر قراردن خبردار ایدلایکنی ، فقط
استانبولدن بر اشعار اولمادیغنی سویله دی ، هیئته سکون
و اعتدال توصیه ایتدی .

فقط ، کاظم بك ، والینک توصیه ایتدیکی سکون
و اعتدالک بویله بر زمانده نه ذلیلانه و آلاجه بر حرکت
اولدیغنی آکلایه رق بوتون ضابطانه بر تک غایه کوستردی :
صوکنه قدار مقاومت ! مقاومت ! بوندن باشقه یاپیلاجق
شی یوقدی . ئوز تورک اوغللری ، بیله بیله ، کوره
کوره ، آنادولونک شاه بلده سنی دوشمان اننه تسلیم
ایده مزلردی .

حیتلی کنجلر محله لره داغیلدیلر . هر طرفده خلق
ایقاظ ایتمه چالیشدیلر . قوماندان ، سلاحلی بر مقاومت
ایچون تردد و تعلل ایچنده ایدی .

کاظم بك ، نفس ازمیردن ماعدا ، حوالیسندده
مقاومت حرکتلری او یاندر مق لازم کلدیکنه حکم ایدرک
در حال منمنه کیتمک ایسته مشدر . بر یولنی بولوب
شمندوفره بینمه موفق اولشدر . منمن ، بالا آخره
باندیرمه ده هر صنف خلقه مدهش تهلکه کی خبر ویرمش ،
اهالی یی ایقاظه چالیشمشه ده بو ایلک تشبثلرندن مثبت

بر نتیجه الدہ ایدہ مه مشدر .

باندیر مه یه تکرار کلدیکی زمان ، اوراده بکر سامی
بکی بولمشدر . بکر سامی بك ، کاظم بکله شهسز عینی
فکرده اولدینی ایچون مشترک بر پلان داخلنده فعالیت
صرف ایتمه حاضر لاشاردرد .

کاظم بك ، استانبوله کلهرك جواد پاشایه مهم بر
راپور ویرمشدر . بو راپورده ، اشغالک آنجاق سلاحلی
بر ملی مقاومت سایه سنده دفع و رفع ایدیه جکئی مکمل
دلیلارله ایضاح ایتمشده ، پاشا ، او زمانکی قاینه یه
بویله بر تکلیفده بولونمق بك بیهوده اولدیغنی سویله مشدر .
حائبوکه ، راپورده ملی بر مقاومتک حکومتجه ده تشویق
و حمایه ایدلمسی لازم کلدیکی تشریح اولونمشدی .

استانبولک مجذوب حکومتی ، بویله مشروع بر مقاومتی
ترویج و تشویق ایتمک شویله دورسون ، مملکتک ئوز
اولادلرینه قارشی صارصاق بر عسکری تشکیلات یایمايه
بیله قالدیشمش ، بر آز آشاغیده کوروله جکی کبی ،
آنزاوور خیشمک ریاستی آلتنده ملعون حرکاته تشبث
ایتمشدی .

استانبولدن هیچ بر شفا امید ایتمین کاظم بك ،
تکرار آنادولویه کچدی . مقاومت حرکتلرینی و ترتیباتی
اداره ایتمک ایچون (صوما) ده بر مرکز وجوده
کتیریلدی . آرتیق بو حرکات و ترتیبات اولدجه تعضی
ایدیور ، منتظم بر تشکیلات حالنه کیوریوردی . (ادرمید) ،

(برهانیه) و سائر بلده لر اهالیسی ، اشرافی یاردمدن قاجیورلردی . حتی ملی مقاومت بر مکلفیت حاله بیله کیردی . وجوده کتیریلن جبهه نك شمالنه کاظم پاشا ، صالحلی یه ادهم ، جنوبه دمیرجی افه قوماندا ایدیوردی . استانبول تلاشه باشلادی . ملعون آنزاوورک اطرافنده خیت بر قوت تشکل ایدیوردی .

اوصیراده استانبول اشغال ایدیلدی . فرید قابینه سی تکرار اقتدار موقعنه کلدی . آنزاوور ملعونی ، فرید قابینه سندن بر (میرمیرانلق) رتبه سی قوپارارق اذمیته کلدی . (بولی و دوزجه) وقایعی احداث ایدیلدی .

آنقره ، بوملعونلرک پریشان ایدیلسی لزومنه قانع اولدی . کاظم بک ، مصطفی کمال پاشادان تلقی ایتدیکی امر ایله اذمیته قوت سوق ایدرک قوای انضباطیه سورولرینی دارمه داغین ایتدی .

بوموفقیتمدن صوکر ، اوردونک تشکیلاتی اكمال ایتک احتیاجی شدتلندی . کاظم پاشا اسکیشهره کلدی . یکیدن نظامیه قوتلری تشکیل ایدلدی . اوجوارده ذاتاً ۱۱ نجی فرقه حاضر بولونیوردی . کاظم پاشا ارطوغرول غروپی قوماندانلغی آلدی ، غرب جبهه سنه علی فؤاد پاشا تعیین ایدلدی .

کاظم پاشا حضر تلری ، ایکنجی این اوکی محاربه سنه قادار مجلسده قالدی . ایکنجی این اوکی محاربه سنده ، قوجه ایلی غروپنک نه بویوک خارقه لریار ایدینی خاطر لرده در .

دوشمانك اين او كي ميدانلرنده دورت طرفدن قوشايله رق
قورقونج بر انهزامه اوغراتيلماسنده ، باشده كاظم پاشا
اولديني حالده ، قوجه ايلي غروپي قهرمانلرينك بويوك
دخل و تاثيرلري اولمشدر .

كذلك ، برونمرك ديبه قادار صوقولان دوشماني ،
سينديكي و يرلشديكي يردن سو كوپ آتمق خصوصنده كاظم
پاشانك هيچ اونوتولمايه حق موفقيتلري واردر .

اذميتده ، جاناوارلنك اك صوك درجه سني ياپان ،
معصوم مرمره ساحللريني قانه بويايان يونان ، كاظم پاشا
حضرتلرينك ييلديريمه بكمزه ين آني ضربه لرندن بريله
يانه رق و سر سمله يه رك اوراسني وجواريني ترك و تخليه ايتدي .
ساقاريه محارب اتنده ده ، كاظم پاشا ، قومانداسنده كي
قوتلري خارق العاده مهارتله سوق و اداره ، بويوك
ظفرمرك استحصالنه يارديم ايتدي .

اساساً ، بوتون حربلرده ، قوجه ايلي غروپي صارپ
وياچين بر قايا كبي ، دوشمانك قارشوسنده بويلى بوينه
اوزانيور ، يوكسه ليور ، او جبهه نك رصانتي محافظه ده
عقللره حيرت ويريحي برمتانت كوستريوردى .

صوك بويوك ظفرده داخل اولديني حالده ، بزي
قورتولوش كونمزه قاووشديران حركتلرك ، تشبثلرك ،
حربلرك و تشكىلاتك هپسنده ، كوپريللى كاظم پاشا
حضرتلرينك بويوك خدمتلري كورولدى . شمدىكي
بوندن صوكر اكي نسللر ، تورك تاريخيله برلكده بو
يوكسك ايشلري منت و تحيل ايله خاطرلايه جقلردر .

ترجمہ حال رسمیں

ژاندارمه قوماندانقلری - فرقه قوماندانقلری - احراز
ایتدیکي نشان و مدالیه لر - آنادولوده کی فعالیتلری -
مدافعه ملیه وکالتی

کوپریلی کاظم پاشا ۱ مارت ۳۱۶ ده مکتب حربیه
کیرمشدر . ۲۳ تشرین اول ۳۲۱ ده ممتاز یوز باشی
اوله رق چیقمشدر .

۱۷ تموز ۳۲۶ سنه سنده منلک قضاسی قائممقاملغنه
تعیین ایدلمشدر . ۱۵ مارت ۳۲۷ سنه سنده ارکان حربیه
صنفنه کیرمشدر . ۱۱ نیسان ۳۲۷ ده ردیف کیلان
فرقه سی ارکان حربیه سنه مأمور اولمش و ۲۰ حزیران
۳۲۷ ده داخلیه نظارتنک رجاسیله تکرار منلک قائممقاملغنه
تعیین اولومشدر .

۲۶ تشرین اول ۳۲۷ ده منلک قائممقاملغندن استعفا
ایتمشدر .

بو استعفادن صوکرآ ، بشنچی قول اوردو ارکان
حربیه سنه تعیین اولومشدر .

۱۶ تشرین ثانی ۳۲۷ سنه سنده سلائیک ژاندارمه
آلای تعقیب طابوری قوماندانلغنه تعیین ایدلمشدر .

۳۲۹ سنه سی ۱۶ نیساننده ینه اردو دائرہ سنه
آئمشدر . ۱۲ حزیرانده صول جناح قوماندانلخی ارکان
حربیه سنه تعیین اولونمشدر . ۲۷ ٹشرین اولده برنجی
قول اردو ارکان حربیه تعیین ایدلمشدر . ۲۷ کانون اولده
یاپیلان یکی تشکیلات اوزرینه برنجی قول اوردوده قاهره
مهم خدمتار ایفا ایتمشدر .

کاظم بک ، محاربه اثناسنده کی فوق العاده خدمتارینه
مکافاة ۱۶ شباط تاریخنده بر سنه قدم ضمیمه تلطیف
ایدلمشدر .

۳۳۰ سنه سی ۴ مارتنده بیکباشیلغه یوکسه لدی .
وان والیسی طرفندن واقع اولان دعوت و اصرار
اوزرینه وان ژاندارمه آلای قوماندانلخی اوزرینه آلدی .
۷ مارتده قائممقاملغه ترفیع اولوندی .

۳ کانون اولده توالی ایدن خدمات فوق العاده سنه
مکافاة کوموش امتیاز مدالیه سیله تلطیف ایدلدی .

۳۳۱ سنه سی ۲۳ مارتنده سیار ژاندارمه فرقه
قوماندانلغه تعیین ایدلدی .

عینی سنه ۱۲ آغستوس تاریخنده اوتوز آلتنجی
فرقه قوماندانلغه تعیین ایدلدی .

۳۳۲ سنه سی ۱۹ تموزنده فوق العاده خدمتاری ینه
نظردقته آله رق قدملرینه بر سنه ضم اجرا ایدلدی .

۳۳۳ سنه سی ۱۲ مارتنده قدمنه بر سنه سفری قدم

ضمی یاپیلدی . ۲۳ مارتده آلمان ایکنجی صنف ده میر
نشانیله تلطیف ایدلدی .

۱ ایلول ۳۳۳ سنه سنده میر آلایلغه ترفیع اولوندی .

۳۳۴ سنه سی کانون تانیسنده اوتوز یدنجی قافقاس

فرقه سی قوماندانی میر آلا ی حاجی حمدی بکله بجایشاری
یاپیلدی .

۲۸ مارتده ، دوشمان طرفدن استیلایه اوغرایان

عزیز طور اقلر مزك استخلاصی اوغرنده قازاندیخی بویوك
موفقییتلری تقدیراً نندیسنه اوچنجی رتبه دن قلنجلی
یحیدی نشانی ویرلدی .

۱۱ مایسنده باطوم موقع مستحکمک ضابطنده

کوستردیکی شجاعتی ، درایت ومهارت عسکریه سنه بناء
خدمته برسنه قدم ضمی یاپیلدی .

۳۱ کانون اول ۳۳۴ سنه سنده آلتشنجی فرقه

قوماندانلغنه تعیین اولوندی .

۳۳۵ سنه سی ۲ آغستوسنده آلتش برنجی فرقه

قوماندانلغنه تعیین اولوندی .

عینی سنه نك ۲۷ آغستوسنده اون دوردنچی قول

اوردو قوماندانلخی وکالته تعیین ایدلدی .

ملعون دوشمان طرفدن از میرك کستاجه اشغالی

اوزرینه بر ثانیه بوش دورمای عزت نفسنه وحیثیته
برذل تلقی ایدرك ملی حرکتلرك اك مهم صفحه لرنده

چالیشدی . کرک ملی اورودونک تشکیلی خصوصندہ ،
کرکسہ مهم حربلر دہ قابلیت کوستردی .

۳۳۶ سنہ سی ۲۵ تموزندہ استانبول قابینہ سی ،
دیکرلری کبی کاظم پاشا حضر تلرینک دہ قوای ملیہ
التحاقندن دولای سلسلک عسکریدن طردینہ و اعدامنہ
حکم ارادہ چیقارتدی .

کاظم پاشا ، بو حکمدن بوسبوتون حرارت وجسارت
آلہرق آنادولودہ کی تاریخی خدمتہ دوام ایتدی . تورکیہ
بویوک ملت مجلسی حکومتی مدافعہ و کالتنی اوزرینہ آلدی
وبویوک برکیاستلہ ایفا ایتدی .

بویوک ملت مجلسی طرفندن عہدہ سنہ لوالقرتبہ سی
توجیہ اولوندی .



شخصیت

کاظم پاشا حضرتلری ، کندیسنی یاقیندن طانیانلرک
پک ای بیلدیکی کبی ، تام معناسیله نه رهژی صاحبی ،
ثباتکار بر انساندر ، ییلمیق نه در بیلمز .

بو ثبات قدرتنه اک بویوک سائق ، کاظم پاشا
حضرتلرینک مسلکه و مملکته قارشى نهایتسز عشقیدر .
وطن سوکیسی ، نادر قوماندانلرده بر حرارت منبعی
اولور . بر چوقلری ، یالکیز محاکمه لری ، عقلی و منطق
قابلیتلیله حربلری اداره ایدرلر .

کاظم پاشا حضرتلرینک بوتون فعللرنده حاکم اولان
بویوک حس ، شدتلی بر وطن محبتی اولدیغنه کوره ،
حرب ساحه سنده ده ، تشکیلاتده ده ، مشارالیهک درین
بر هیجانه متحسس اوله رق حرکت ایتدیکی کورولور .
ارمیر اشغال ایدیلیر ایدلمز ، کاظم پاشا بر وولقان
کبی آتش آلان بویوک قلیله جدال ساحه سنه آتیلدی .
بو ایلک تشبثلرنده حرارتلی بر انقلابچینک محاکمه آلود
فعالیتلرینی کوستردی . عسکری شخصیتدن زیاده ،
حیت قانی قاینامش بر وطنپرور جوشقوناغیله چالیشدی .
ملی غلیان صیرالرنده بو درجه آتشی و جوشقون

اولان کاظم پاشا حضر تلی، مجادلہ نک صوغوق قانلیق ایستہ یں صفحہ لرندہ حسیاتہ حاکم اولماسنی پک ای بیلیر. ایکنجی این اوکی و ساقاریہ حربلرندہ، قوجه ایلی غروپنک نازک وضعیتنی هیچ دیکشیدیرمہ دن مکمل صورتدہ محافظہ وادارہ ایدہ بیلمسی، کاظم پاشا حضر تلرینک متین و ثباتکار سجیہ سنندن ایلری کلشدر.

خلق جسارتلندیرمک خصوصندہ غلیانلی، حرارتلی برانقلابچی؛ تشکیلاتدہ و حربلردہ نفسنہ حاکم برانسان اولان کاظم پاشا حضر تلرینک بویوک شخصیتنی اینجہ دن اینجہ یہ تحلیل ایدہ بیلمک شرفنی بویوک تورک تاریخنہ براقہ رق، بو کونلک، دہ کرلی سردارمرزہ قارشنی حس ایتدیکمز تجیل و تعظیم دویغولرینی ابراز ایله اکتفا ایدیورز.



بویوک قوماندانلری عز

موجود قلم و کتبخانه لری — آنادولوده باران قلمی خارقه لری
— رسمی ترجمه هالدری — شخصیت لری .

مطبعه من ، بوتون قوماندانلر منک ترجمه حاللرینی نشر ایدیور .
بوکون هر یرده اسملرینی ایشیتدی کمز بو بویوک سیالر ، نروده
دوغدیلر ، ناصل بویودیلر ؟ ناصل تحصیل ایتدیلر ؟ هانکی تاریخلرده ،
نرهلرده خدمت کوردیلر ؟ آنادولونک بویوک قورتولوش جدالنه
ناصل آتیدیلر ؟ او خارقه لری ناصل یاراتدیلر ؟ بوتون بو مصراقلی
واهیتملی معلوماتی برر کتابده بوله جقسکز . هر کتاب ، بر قوماندانلر منک
چوجوقلمی و کتبخانکی ، رسمی ترجمه حالی ، آنادولوده کی خارقه لری
و شخصیتنی محتویدر . بو معلومات ، خصوصی وثیقه لره مستنددر .
قاپاغنده غایت نفیس ، رنگلی برفوطوغراف دخی بولونان بو کتابلرک
بهری ، شایان حیرت درجه ده اوجوز : ۵ غروشددر . هیمزه هر زمان
لازم اولان اثرلردر . مطبعه من ، بو ترجمه حاللری نشر ایتک صورنیله
ملی مجاهده یه ناچیز بر خدمتمده بولونمق ایسته شددر . بو کونه قدر
نشر اولونان ترجمه حاللر :

مصطفی کمال یاشا — عصمت یاشا — فوزیه یاشا — رافت یاشا
عظیم قره بکر یاشا — علی فؤاد یاشا — کوریلیمی عظیم یاشا

بوتون سپارشلرک مرجعی : استانبول - جفال اوغلی - (اورخانیه)
مطبعه سیدر . استانبولده توزیع مرکزی : باب عالی (اتحاد تجارت)
کتبخانه سی در .

سوزده قیزلر

مؤلفی : پیامی صفا بک

حربلرک و غیرطبیعی حادثه لرک صاییلرینی چوغالتدینی سوزده قیزلر و سوزده قیزلنی تشریح و تصویر ایدن حرکت و تحلیل رومانیدر . بوتون عائله لر، کنج قادین و کنج قیزلر ، بو اثرک دوشوندیریجی موضوعنی و صحنه لرینی اوکره نده دعوتلیدرلر. اخلاقی سقوطله مجادله ایده بیلک ایچون ، او سقوطک کیزلی صفحه لرینی بیلک لازمدر ، بو صفحه لر ، « سوزده قیزلر » ده تمامیه ثورتوسز و آچیقدر .

سوزده قیزلق، مملکتده ، وبا وقولاردن تهسکلی بر آفندر. کون کچدکه اک سالم محیطلری ده چوروتک استعدادینی کوستریور ، مؤلف ، رومانده ، بوتهلکینی بوتون وطنداشیرینه خبر ویرمشدرد. بیلک ، بیلمه مکدن اییدر . اثرک مقداری آزدرد . جلد سزی ۷۵ ، جلد یسی ۱۰۰ غروش فیثاتله ساتیلنمده در .

آتش بوجکلری

پیامی صفا بکک اوتوز عدد بویوک و کوچوک حکایه لری، اون فورمه لق بر جلد حالنده مطبعه من طرفندن نشر ایدلشدرد . « آتش بوجکلری » ، مؤلفک اک معتنا حکایه لرینی محتویدر . مملکتک کولونج، عجائب ، رقت و رحمت ویرن انسانلری و وقعه لری، بو حکایه لرک یپ یکی موضوعلرند جانلانیر و بزی ساعتلرجه دوشوندیررلر . فیثاتی ۲۵ غروشدر

کنجکلکمز

پیامی صفا بکک قیصه برمدت ظرفنده مقداری آزالان بو بویوک حکایه سی ده مطبعه من طرفندن نشر اولنشدرد . کنج بر تورک قیزینک عشق و ازدواج اطرافنده کی عصبی بحرانلری ، فکرلری ، آمللری و سقوط خیالی بو بویوک حکایه نک حسلی و حرارتلی موضوعنی تشکیل ایدر . فیثاتی ۲۰ غروش

چو جوقلره حكايه لر

ايكى او كسوز آرقه داش

برنجى كتاب ۵ غروش فيئاتله ساتيلور .
كوچوك قارئلر !.. بو حكايه يي او قوماديكزسه آلوب مطلقا
او قوييكلر . آنه سي باباسى اولمايان ايكى او كسوز يا ورو جفك باشلرينه
نه لر كلديكني ، ناصل آچ وچيلاق قالدقلىرى ، ناصل پارا قازاندقلىرى ،
هېسنى .. هېسنى .. اوكره نه جكسكلر .

قوييه دوشن چو جوق

ايكنجى كتاب ۵ غروش فيئاتله ساتيلور
بو حكايه ، اوفاجق بر چو جوغك قورقولو رؤياسيدر . اويله
خوش بر حكايه دركه باشندن صوكنه قادار بويوك بر مراقله او قونور .
انسان ، كتابى الندن هيچ براقه ماز .

قورقونج بر آقشام

اوچنجى كتاب ۵ غروش فيئاتله ساتيلور .
بو حكايه يي تويلرليكلر اور پر مه دن او قويه مايه جكسكلر . بوراده ،
بر چو جوق فيچينك ايچنده دكزه دوشويور . باشنه بر چوق شيلر
كليور ، اشقيالرك آراسنده ئولوم تهلكه سي كچيريور .. صوك درجه
مراقلى بر حكايه در . محقق آلاملى ، او قوماليسكلر .

كوچوك خرسزلر

دوردنجى كتاب ۵ غروش فيئاتله ساتيلور
ايكى فنا قارده ش خرسزلق ايديورلر . بر خاتم افنديك الماس
يوزوكلريني چاليورلر . بو ايكى قارده شدن برينك باشنه اويله مدهش
بر فلاكت كليوركه بوتن فنا چو جوقلره عبرتدر . بو حكايه يي مطلقا
او قوييكلر .

مبجل سردار من

فوزی پاشا

آنادولو غزالنده کی مرهم خدمتاری —
رسمی ترجمہ مالی و شخصیتی



۵ عروج

محرری : پ . ص

[اورخانیہ مطبعہ]

Safa, Peyami

مبجل سردار من

Mubarrat-e Sardarimix

فوزی پاشا
Fevzi Pasa

آنادولو غزالرنده کی مهم خدمتاری

رسمی ترجمہ حالی و شخصیتی

فہرست

۳ ایضاح

آنادولودہ

۶ فوزی پاشا

۱۴ رسمی ترجمہ حالی


۲۰ شخصیتی

طابع و ناشری

« اورخانہ » مطبعہ سی

محرری : پ . ص

۵ غروش



مبجل سردار من

فوزی پاشا حضر تلی

ایضاح

بوکونکی بویوک ملی سویوخی بزه ویرنلر ، بش
قطعه ده تورک آدینی یدی قات کوکلره چیقارنلر ، هیمزک
ابدی منتی قازانلر تحیل و تعظیم ایله یاد ایدلکلی زمان ،
ایلك خاطره کلن سردار لر مزدن بری ده شه سز فوزی
پاشا حضر تلیدر . ایستر یاقیندن ، ایستر اوزاقدن ، اونک
ملی قاوغاده کی منقبه لرینی آز چوق هر تورک دیکله دی ،
ایشیتدی ، اوکره ندی . جهه ده وجهه کریسنده ، آتش
وقان ایچنده ، چادیر آلتنده ، حریطه لر باشنده کچیردیکی
حمالی کونلرک ، کیجه لرک ، ساعتلرک ، دقیقه لرک هر برینی
ناصل حسن استعمال ایتدیکنی ، یتوب توکنمه یین بر
فعالیتله یمک یمه دن ، اویقو اویومادن ، وجودینی دیکله -
نذیرمه دن ناصل دیدیندیکنی واوغراشدیغنی آنادولویه
کیدنلر کوزلریله کوری ، کورمه ینلره کلوب آکلاتدی .
بوکون یالکیز تورک تارینخنده دکل ، جهان تارینخنده ده

یروفوزی پاشا وارد ر ؛ یوفوزی پاشا ، مرمر باشلی
هرمدنی مؤسسەنك فوقه ركز ایدیلن جهان اعظمی
آراسنده كندیسنه ابدی بریر یامشدر .

مادام برت ژورژ غولیس ، موسیو ژان شلیكلهنگی
اجنبی متفكرلری ، قلمه آلدقاری اثرلرده فوزی پاشا
حضر تلرینك مستما عسكری سحیه سندن و صاییسز
خدمتلرندن هر بویوكامكه پرستش ایدن برغرایی حرارتیه
اوزون اوزادی یه بحث ایتمشلردر .

بالذات موسیو فرانقلن بویونك استانبولده جهان
مطبوعاتی ممثلارینی یانسه قبول ایتدیگی زمان فوزی پاشا
حضر تلرندن ستایشكار برلسان ایله بحث ایلدیدیگی قولاغمزله
ایشیتدك . اورجل سیاسی ، آنادولو ظفرینك عامللریله
تماسنی نقل ایدركن فوزی پاشا حضر تلرینی اوك صفده
موضوع بحث ایله مش ، بعضی اعجاز نمون منقبه لرینی ده
آكلا تمشدی .

فوزی پاشایی اوردو وخلق ، آنادولو واستانبول ،
عینی شدتله چارپان برقلب حرارتیه سور و تحیل ایدر .
مملكت عادتاً ، فوزی پاشا حضر تلرینه كوكل ویرمشدر ،
دینه بیلیر .

فوزی پاشا حضر تلرنده بویوك ملی ییمیزی تحقق
ایتدیرمك ایچون كون كچدكجه آرتان ، فوران ایدن بر
ایمان واردی . بوایمان ، فكدردن زیاده قلبدن ، اراده دن
زیاده كوكلدن کلیوردی . بوندن دولایی آنادولوده



محمدجكك قلیله ، ارکان حربیه رئیسك قلبی آراسنده
 بریول بولوندیغنی فرض اوله نه بیلیر : عسکر ، فوزی
 پاشاده کی ایمان صیجاقلغنی آکلایور ، سزیوردی .
 پاشانك قطعاتی و جبهه لری زیارتنده کوزلرندن داغیلان
 روحانی پاریتیلر ، اغزنندن چیقان تترهك وصیمی ندالر
 اوردوده بر ولی یه قارشی حس ایدیلن طلسملی اعتمادی
 حصوله کتیردی .

بواثر جكك محدود صحیفه لرنده ، فوزی پاشا حاضر تارینك
 بی پایان ظفر منقبه لر بی قیصه جه ذکر ایتك بیه ممکن
 اولمایه جنی شبهه سز بولوندیغنه نظراً ، آنجاق مبیجل
 سردارك آنادولوده باشلیجه فعالیتلرندن ، رسمی ترجمه
 حالندن و شخصیت محترمه سندن ممکن مرتبه بحث ایلک
 صورتیه وظیفه نشریه مزك بر قسم جزئیسنی ایفا ایتش
 اوله جغز .



آنادولوده فوزی پاشا

آنادولویه ناصل کچدی ؟ — اسکدارده برآت حکایه سی
یکی بر عضوک اوردویه ویردیکی قوت — این اوکی ، ساقاریا ،
از میر مظفریتلرینک شرفلی عاملی .



متارکه اثناسنده فوزی پاشا حضر تتری استانبولده
بولونویورلردی . آنادولوده ایچین ایچین قاینایان بویوک
ملت حرکتی تشکیلاته باغلاندینی زمان ، فوزی پاشا
حضر تترینده وحی ملی نازل اولمشدی : مشارالیه ، هر
نه اولورسه آنادولویه کچمک ، ملتک بواحتضاره بکزه یین
قورقونچ آننده یینه خادمی اولمق ایسته یوردی . فقط
استانبولده ده کندیسنی بر اقامایان بویوک وظیفه لر واردی :
علی رضا پاشانک قوتلی اصراریله بر مدت حریبه ناظرلغی
وظیفه سنی کورمش ، علی رضا پاشانک استعفا سیله آچیغه
چیقارلمش ، صالح پاشا قاینه سنده تکرار بو وظیفه یی
درعه ده ایلمشدی . مع مافیه ، متردد و صارصاق بر هیئت
نظار ایله چالیشمقده کی امکانشزلغنی بالفعل تجربه ایدنجه ،
آنادولوده کی مفکوره قارده شلرینک یاردیمه قوشمق
خصوصنده کی آرزوسنی حقیقت حالنه کچیرمه کچالیشدی .

فقط ، فوزی پاشا کی مهم بر شخصیتک استانبولی ترک
ایتمه سی البته جاسوسلرک کوزینه باطه جق ، بلسکده آلم
بر ممانعته میدان آچه جقدی . شو حالده استانبولی نظر
دقی جلب ایتمه دن ترک ایلک لازمدی .

فوزی پاشا حضرتاری ، بو کیزی استانبول- آنادول
سیاحتک شکلی اوزون دوشوندی و ماهرانه بر چاره
بولدی . بو چاره ، عادتاً مراقلی بر حکایه موضوعی
تشکیل ایدر : فوزی پاشا حضرتاری بکقوزده اوطورو-
یوردی . مرکزى آناتولییه قره دن کیتمکدن باشقه
چاره یوقدی . آنجاق بو صورته نظر دقتی جلب ایتمه مک
ممکندی . قره دن ده برواسطه واردی : بار کیره سیاحت
ایتمک ! حالبوکه ، حیوانی ده استانبولدن چیقارمق ،
شبه جلب ایتمه مک آیری بر مسئله ایدی . بالخاصه ،
فوزی پاشانک بر آت اوستنده شهر دن اوزاقلاشدیغنی
کوردهن موسوسلر ایچون بو حادثه مکمل بر دیدی قودى
زمینی تشکیل ایده بیلیر ، حتی ، مستولیلرک قولاغنه
اوچورو له بیلیردی .

کونک برنده ، اسکدارده ، آت بازارنده کوزه ل
بر بار کیر ضاتیغه چیقاریلیدی . مزایده یه بر چوق آت
مراقیلیری اشتراک ایتدیلر . طالب او قادار چوقدی
و مزایده اودرجه حرارتله یاپیلیوردی که بار کیرک اطرافه
مهم بر خلق کتله سی ییغیلدی . بازارلق بویوک بر کورولتو
ایله یاپیلیور ، و پرین فیاتلر یوکسک سسلرله اعلان

ایدیلیوردی. بارگیره طالب اولانلر آراسنده بر ژاندارمه
ضابطی واردی. بو ضابط آتی بکنمش، بر قاج دفعه
مزایده فیائی چوقه آرتیرمشدی. نهایت اُصولک فیائی ده
ینه بو ضابط ویردی و آتی صاتون آلدی. بو ژاندارمه
ضابطی، فوزی پاشانک رهبری ایدی. آتی صاتون
آلیر آلماز بر کوشهیه چکدی، دوردیردی، هر کسک
کوزی اوکنده و هر کسه ایشیتدیره رک پاشایه دیدی که:
— پاشا حضرتلری، آتی بو کون شرف عالیکزه
تخصیص ایدیورم. مهموزلریکزک اوغورلی کله جکندن
امینم، براز تنزه بویوریکز.

فوزی پاشا حضرتلری، اهلینک کوزی اوکنده
آته بیندی و حیوانی سوردی.

آرتیق او جوارده ویاخود دهها اوزاقلرده فوزی
پاشا حضرتلرینی آت اوستنده کورنلر، بر تجربه مانه‌ئی
پایدیغه حکم ایده جکلر، دهها درین وسوسه‌لره دوشمیه.
جکلردی. ته کیم اوپله اولدی. فوزی پاشا حضرتلری،
بو حیوانه را کب اوله‌رق مغشوش استانبولی ترک ایتدی،
آناطولینک مبارک و صاف طوپراقلرینه آتیلدی. بو
مبجل سوارینک قوای ملیهیه التحاقی کونی، فرقه
قوماندانی محمود بکک شهادتنه تصادف ایدر.

آنادولو فوزی پاشا حضرتلرینک شخصیه، صاعلام
بر قول اوردودن دهها قیمتی بر معاون قازانیور، بو
قازانجی بیلیور، تقدیر ایدیور، سونیوردی. بوالتحاق

خبری ، اوردویه سہاوی بر مژدہ کبی یابیلدی ، بوتون قطعاتی ، ضابطانی وافرادی سویندیردی . اوردودہ فوزی پاشایی چناق قلعه دن ، قاققاس محارباتدن طانیانلر واردی . حرب عمومیندہ وخیم و اختلاجلی دورہ لر کچیررکن اوردونک فوزی پاشانک حذاقتندن ناصل استفاده ایتدیکی هنوز اونوتولماشدی . مشارالیهکده التحاقیلہ قوماندا ہیئت عالیہ سی ، محتاج اولدینی بوتون عنصرلرہ تمامیلہ قاووشمش اولدی .

اوصیرالردہ آنادولولایلہ استانبول آراسندہ کی غریب و خیرکین تضاد خاطرلردہ در : آناتولی ، ملتک صوک یاشامق حملہ سندن برمدافہ قدرتی چیتارمقلہ اوغراشیرکن استانبولده مملکتک اوز اولادلری اعدامہ محکوم ایدیلیمورلردی . بورتبہ رفع ایتک ، نشان سوکک ، دار آغاجنہ چاغیرمق مضحکہ سنہ معروض قالان ذاتلردن بردانہ سی دہ فوزی پاشا حضر تلویدر .

فرید پاشا قابینہ سی ، مشارالیهک آنادولویہ کچیشنہ فنا حرصلانمش ، متارکہ حکومتلرنده ایفای خدمت ایتمش اولماسنہ اهمیت ویرمیه رک بر معتاد رتبہ سنک رفعنہ ، نشانلرینک سوکولسنہ ، اعدامنہ قرار ویرمشدی .

مع مافیہ زیرزوب داماد ، پریشان غیلہ سنده آنادولو قهرمانلرینی آصوب کسرکن ، ملی اوردو استخباراتی تماملایور ، برضرب مثلدہ اولدینی کبی « ایت اولویور ، کاروان یورویوردی »

فوزی پاشا حضرتلری ، آنادولیده ایش باشنه
 کچر کچمز اوردویه بر حرارت و قدرت کلدی . پاشا ،
 ارکان حربیه عمومیه ریاستنی در عهده ایدنجه اوردویه
 عائد نقصانلر سرعتله ا کمال ایدیلکه باشلادی .

فوزی پاشا حضرتلرینک کیجه لی کوندوزلی غیرتنک
 واضح و مکمل نتیجه نری ، اولای ایکنجی این اوکی
 محاربه سنده ظهور ایتشدی . یونانلیرک متفقاره وانسانیته
 کستاججه یوز چویرمه لری اوستنه عقیم قالان لوندره
 قونفرانسی ، بیهوده مذاکره لره وقت کچیریرکن فوزی
 پاشا حضرتلری ، تعطیل زمانلرینی ده سعه حصر ایدرک
 اوردونک اکسیکلرینی تماملامغه چالیشمقدن بر آن کری
 دورمیوردی . جبهه یی صیق صیق زیارت ایدیور ، منزللری
 دولاشیور ، قرارگاهه کلیور ، یوزنده اویقوسنر کیجه لرک
 وحمالی بر فعالیتک ایزلریله حریطه لرینک باشنه کچهرک
 بدنا وذهنا اوغراشیوردی .

ایکنجی این اوکی محاربه سنده ، دوشمانک هیچ
 اوممادینی برهزیمته اوغرایه رق فراری ، هیچ شبهه یوق که
 مکمل برحاله افراغ ایدیلن اوردو تشکیلاتمز وارکان
 حربیه عمومیه نک درایتی سایه سنده در . اوصیرالرده جبهه یی
 زیارت ایدن بر محرر آرقه داشمز ، استانبوله کوندردیکی
 مکتوبلرندن برنده شو سطرلری یازیوردی :

« اوردوده قوه مغنویه خارق العاده در . اک خسته ،
 اک بزکین نفرده بیله شعورلی بر قلب قوتی وار . عسکرلر

دیورلرکه : « البته غالب کله جگیز ، بو محاربه بی ملت
 یایور . » بن بر هفته اول جبهه بی دولاشدم . مسلك
 محبتله دكل ، كندی شخصی مراقله ازاله ایتك ایچون
 عسکرلرک و ضابطلرک بر چوقلریله اوزون اوزون
 قونوشدم . هپسی مکمل قومانداناره مالک اولدقلرینی
 یلینور و سولیلورلر . اوردوده بر کال ، بر عصمت ، بر
 فوزی اسمک نه بویوک بر ایمان وجدی حصوله کتیردبکنی
 آ کلاته مام . عسکرده قوماندان محبتک بویله فوق البشر
 بر طرزده تجلی ایتدیکنی بیلمزدم دوغروسى ... هله
 جبهه ده ، کرده دلی بر نفر ، ایکی کیجه دن بری اویقوسز
 قالدیخی حالده هیچ بر جان صیقینتسی علامتی کوسترمه یه رک
 بنمله نشئه لی نشئه لی قونوشدی . بن صور مشدم :

« — اسمک نه سنک هم شهرم ؟

« — سلیمان .

« — سز ایکی کیجه در اویوما مشسکیز .

« — آ آخ .

« — نه دن بویله اولدی ؟

« — بزم فرقه یکی کلدی . یول کچدک .

« — پکی ... اویقوسز حربه کیر میسک ؟

« — اول الله کیررز ، نه یه کیرمه یه لم ؟ خوش بزشمدی

بر قاچ ساعت اویورز ؛ یورغونلغمزی آلیرز ، فوزی پاشا

بزم قدرده اویوما یوریا ... الله اوکا قوت ویرسون ! »

فی الحقیقه ، اوردونک هر فردنده بو عزیز قوماندانک

اسمی شکرانله یاد ایدیلیوردی . بالخاصه ، سقاریه محارباتنده، دوشمانه یکر می بیکدن فضله ضایعات ویردیرن بویوک ظفر مزك اك مهم عاملرندن بری ده ، ینه فوزی پاشا حضر تلیدر . او حرب ، دوشمانك وساطتی و تعرض حمله سنك شدت ووسعتی حساب ایدیهك اولورسه جهنمی بر جدالدی . ایکی مدهش صفحه سی اولان و برنجی صفحه سی یکر می کون ، ایکنجی صفحه سی بر آی قاداردوام ایدن سقاریه محاربه لرنده فوزی پاشا حضر تلرینك مهم رولی ، اوردویی بر «سه دان» فلاکتدن قورتاردی . سقاریه محاربه لرنده درکه دوست و دوشمان ملتر ، آنادولوده تشکیلاتی قابل استخفاف اولمایان ایمانلی و مکمل و عرضی بر اوردو بولوندیغی آکلادیلر .

ساقاریه محارباتنده فوزی پاشا حضر تلی ، صاچلرینه آق دوشورن دواملی بر غیرتله ، اك كوچوك بر تخمین خطاسنه میدان ویزمه یهرك چالیشمشدر . کذلک ، یونان اوردوسی تابوتنه یرلشدیرن صوك تعرضمزده ، فوزی پاشا عسکری دهاسنی ابراز ایتمشدر . او آنه قدر قسماً تدافعی وضعیتده قالان اوردو ، بو معظم تعرضه کچرکن فوزی پاشانك ادراکنه ، درایتنه چوق محتاجدی . سیاسی لقا قیالته ملی یمینك تحقیق ایتیه جکنی بیلن آناتولی رجالی ، صوك بویوک تعرضی حاضر لارلرکن فوزی پاشا حضر تلرینك رأیلرندن کلی صورتده استفاده ایتدیلر . نته کیم ، آفیون قره حصارینك استردادیه

باشلايان عمومى تعرضده ، فوزى پاشا حضرتلرى ، هم
جههده آتش قارشيسينده ، همده خريطه باشنده ، تصوراتىك
فعلى و نظرى نتيجهلرني تعقيب ايتدى و هيچ بر نقطهده
يا كيلماديغنى كوردى .

دوشمان اوردوسىك عناصر اصليهنى محو وافنايله
نتيجهلهنن صوك دوملو پيكار حربىده پارلاق نتيجهسىك
مهم بر قسمنى فوزى پاشا حضرتلرىك حرب فتندهكى
اعجاز كار قدرته مديوندر . يونان اوردوسىك شمال و جنوب
غروبلىرىنى ايكييه آيره رق آارلندهكى رابطهنى غائب
ايتدين و عمومى رجعتى هزيمت حالته صوقان بوظفرده
فوزى پاشا حضرتلرىك رولى پك بويوك اولمشدر .

آنا طوليه التحاقيله خدائى نابت اوردومزك طالغى
دكيشديرمك ، توركك عسكرى قاموسندن « هزيمت »
كلهسىنى سيلمك ، مىللى يمني بلكه نهمه ين بر صيراده واومولمايان
بر مدت ظرفنده انجاز ايتمك خصوصلرنده فوزى پاشا
حضرتلرىك ايفا ايتدىكى خدمتلىر ، آرى آرى خاطر-
لائييه مايه جق درجهده جو قدر و تورك ملتى ، كندى
ايماننه حقيقه ترجمان اولان بو مبجل انسانى عصر لرحه
تعزير ايده جكدز .

رسمی ترجمه حالی

قول اردو وار دو قوماندانقلری - نشانلری - ارکان حربیه
عمومیہ ریاستی - ایکی دفعہ حربیہ ناظرانی - عہدہ سنہ مشیراک
پایہ سی توجہی

فوزی پاشا حضرتلری ، قواقلیدر . پدری علی
افندی نامندہ مصلی ومتقی بر ذات محترمدر .

۱۷ نیسان ۳۱۱ تاریخندہ حربیہ مکتبنہ کیورک
۳۱۴ سنہ سی ۱۳ کانون اولندہ یوز باشیلقله مکتبدن
نشأت ایتشدرد .

ایلك مأموریتی ارکان حربیہ دائرہ سی دوردنچی
شعبہ سندہ در .

۳۱۵ سنہ سی ۱۱ کانون ثانیسنده مسبق اولان حسن
خدمتہ بناء کموش امتیاز مدالیہ سیلہ تلطف ایدلشدرد .
۳۱۶ سنہ سی ۲۴ کانون ثانیسنده قول آغالغہ ترفیع
ایتشدرد .

۳۲۸ سنہ سی ۷ نیسانندہ بیکباشلیغہ ترفیع ایتشدرد .
۳۲۴ سنہ سی ۱۶ کانون اولندہ طاشلیجہ متصرف
وقوماندانانی انضمامیلہ اوتوز بشمنچی لوا قوماندانلغہ تعیین
اولشلردرد .

۳۲۶ سنه سی ۱۴ تموزنده قوصوه مرتب اوردو
ارکان حربیه سنه نقل ، ۱۶ ایلولده قائم مقاملغه نصب
اولمشدر .

عینی سنه نك ۲ كانون ثانیسنده ارکان حربیه عمومیه
داثره سی بشنچی شعبه سنه تعیین ایدلمشدر .

۳۲۷ سنه سی ۱۸ ایلولنده ایتالیا یه قارشی غربی روم
ایلی یی مدافعه ایتماک اوزره تشکیل اولنان غرب اوردوسی
ارکان حربیه سنه تعیین ایدلمشدر .

عینی سنه نك ۲۳ ایلولنده ایپک متصرفلغه تعیین
ایدلمشدر .

عینی سنه نك ۶ تشرین اولنده ایکنجی اوردو
مقتضی لکنه تعیین ایدلمشدر .

۳۲۸ سنه سی ۲۶ نیساننده آرن اوودلق وروم ایلی
ولایات ثلثه سی اصلاحاتک صورت تطبیقیه سی تأمین ایتماک
اوزره تشکیل اولنان قومیسو نه تعیین ایدلمشدر .

عینی سنه ۱۸ حزیرانده نظامیه یکر می برنجی (یاقوه)
فرقه سی قوماندانلغه نصب ایدلمشدر .

عینی سنه ۲۴ تموزده قوصوه قوای عمومیه قوماندانلغه
تعیین اولومشدر .

عینی سنه ، ۱۶ ایلولده ، ارکان حربیه برنجی شعبه
مدیریتنه نصب ایدلمشدر .

۳۲۹ سنه سی ۲۰ تموزنده (آنقره) فرقه سی
قوماندانلغه تعیین ایدلمشدر .

عینی سنه ۱۱ تشرین ثانیه میر آلا یلغه ترفیع
ایدلمشدر .

۳۳۰ سنه سی ۱۷ نیساننده میر لوالغه ترفیع اولومشدر .

عینی سنه ۱۶ تشرین ثانیه قدم لرینه ایکی سنه حفری
قدم ضمی وقوع بولمشدر .

۹ کانون اولده بشنجی قول اوردو قوماندانلغه تعیین
ایدلمشدر .

۳۳۱ سنه سی ۱۹ ایولنده خدمات حسنه لرینه بناء
حرب مدالیه سیله تلطیف ایدلمشدر .

عینی سنه ۲۵ تشرین ثانیه موقتاً (آنا فارطه لر)
غروبی قوماندانلغه تعیین ایدلمشدر .

عینی سنه ۱۳ کانون اولنده آلمان ایکنجی صنف
(دمیر صلیب) نشانیه تلطیف اولومشدر .

۴ کانون ثانیه محاربه آلتون لیاقت مدالیه سیله
تلطیف لری اجرا قلمشدر .

۳۳۲ سنه سی ۲۹ تشرین اولنده قافقاس محارباتنده کی
یارارلق لرینه بناء آلتون امتیاز مدالیه سیله تلطیف ایدلمشدر .

عینی سنه ۴ کانون اولنده ایکنجی قافقاس قول
اوردوسی قوماندانلغه تعیین ایدلمشدر .

۳۳۳ سنه سی ۲ نیساننده ، آوستریا و مجارستان دولتی
طرفندن ، اوچنجی صنف (مزیت عسکریه) نشانیه
تلطیف ایدلمشدر .

۵ تموزده ایکنجی اوردو قوماندانلغه تعیین ایدلمشدر .

عینی سنه نك ۲۷ ایلولنده قافقاس محارباتنده مسبق
اولان خارق العاده خدمت لرینه و یارارقلرینه بناءً مجدداً
قیلمجلی عثمانلی نشانیه تلطیف ایدلمشدر .

عینی سنه نك ۹ تشرین اولنده یدنجی اوردو قوماند-
قوماندانلغنه تعیین ایدلمشدر .

۳۳۴ سنه سی ۷ کانون ثانیسینده (سینا) محارباتنده
مسبق اولان فوق العاده خدمت لری مظهر تقدیر اوله رق
مجدداً قیلمجلی برنجی مجیدی نشانیه تلطیف لری اجرا قلمشدر .
عینی سنه نك ۱۹ حزیراننده آلمانیا دولتی طرفندن
کمندیلرینه برنجی رتبه دن (قرون اوردور) نشانی اهدا
ایدلمشدر .

عینی سنه نك ۲۸ تموزنده عهده لرینه فریقك رتبه سی
توجیه ایدلمش وارکان حربیه عمومیه ریاسته نصب و تعیین
ایدلمشدر .

فوزی پاشا حضرتلری ، حرب عمومیه ائتمسینده ،
قافقاس و سینا جبهه لرنده ابرازیتدکاری فطانت عسکریه
سایه سینده اوردوی پك وخیم و مشکل وضعیتلردن
قورتارمشدر . ده اوزمان اوردوده بویوك برشهرتی
حائز دیر . آناتولی ارکان حربیه عمومیه ریاستنده ایفا
ایتدکاری خدمتلرده فوق العاده موفق اولمالرینه مهم
سبیلردن بریده بو وظیفه یی حرب عمومیده دخی بر
مدت کمال درایتله اجرا ایلمش بولونمه لیدر .

متارکه عقد اولوندقدن سوکرا ، ۳۳۵ سنه سی

۲۴ نیسانده شهزاده سيف الدين افندی ايله برابر مأموراً
ادرنه يه عزیمت ایتشلردر .

عینی سنه نك ۱۴ مایسنده برنجی اوردو قطعات
مفتشکنه تعیین ایدلمشلردر .

عینی سنه ۳ تشرین ثانیده مجلس وکلا قراريله آنادولی یه
عزیمتی تحت قراره آلمان هیئتله برلکده کیتلمشلردر .
عودت لرته ، ۳۱ کانون اولده شورای عسکری
اعضالغنه تعیین ایدلمشلردر .

۳۳۶ سنه سی ۳ شباطنده ، علی رضا پاشا قاینه سنك
حربیه نظارتی عهده لرینه آلمش رسهده قاینه نك وقوع
استعفاسی اوزرینه آچیغه حیقارلمشلردر .

۸ مارت ۳۳۶ ده صالح پاشا طرفندن تشکیل اولونان
یکی قاینه ده تکرار حربیه نظارته تعیین ایدلمشلردر .

فقط ، استانبولك غیر مستقل ، موسوس و متردد
محیطنده مفکوره یه ایریشمك امکانشزلغنی فعلاً دخی
آکلایه رق آناتولی یه کچمك خصوصنده کی آرزولرینی
موقع تطبیقه قویلمشلردر .

۲۶ مایس ۳۳۶ ده صادر اولان اراده ذلیله ، قوای
مالیه مرتب و مشوقلرندن بولمه سی حسیبله مشارالیه کده
رتبه سنك رفعنه ، نشانلرینك نزعنه واعدامنه حکم
ویرمشددر .

بوکا مقابل فوزی پاشا حضرتلری ، آناطولیده
ایضا ایتدکلری تاریخی خدمتله ملت طرفندن لایق
اولدقلری مقابله بی کوره رک بویوک مات مجلسی طرفندن
کندیله رینه (مشیرلک) پایه سی توجیه اولونمشدر .



شخصیتی

فوزی پاشا حضرت تلمری، هر معناسنده کامل برانساندر. اولاً، بر قوماندانه مخصوص بوتون مزیتلر کندیسند. آرانی و بولونه بیلیر: وقوف، خدیت، سچیہ رصاتی، جسارت، اعتدال، نفسه حاکمیت... آنجاق فوزی پاشا حضرت تلمرنک بو وصفلری آراسنده تام بر موازنه واعتدال وارد، یعنی بو خاصه لردن هیچ بری، دیگر لردن فضله، افراطله تشکلی ائتمه مش، روحک عمومی انسجامی خالدار ایله مه مشدر. بناء علیه نظریاتی قوتلی اولدینی قدر عملی ساحه دهده غیور و فعالدر. جسور اولدینی کبی احتیاط ایدر. اوزاق احتماللری حساب ایدر، تهاکه نک نه درجه یاقینلاشدیغی آکلار واعتدالی صاقلار. نفسه صوکه درجه حاکمدر. یورولق بیلمز براراده سی وارد. بوتون زحمتله، وجودی و روحی آزن یورغونلقلره مقاومت ایدر. چالیشیرکن هیچ بر صیقبنقی اثری کوسترمز، آزیحق بیله عصیانلشمز، کونلرجه دوام ایدن فعالیتلرنده طبعی حالی هیچ غائب ائتمه مشدر.

صرف بو مزیتدن دولای اردویه قارشى فدا کارلغی صوکه حدینه کوتور مشدر. آناتولی حربنه مختلف

وسيله لرله اشتراك ايتمش اولانلر، ضابطان، افراد، زائرلر،
تورك واجنبى غزته جيلرى فوزى پاشا حضرتلرينك نفس
توكه تيرجه سنه چاليشد قلرينى، هيچ ييلماد قلرينى، استراحت
اراماد قلرينى آكلاتيورلر. محترم اركان حربيه عموميه
رئيسى، ساكن زمانلرده بيله بر چوق كيچلر اويقوسز
قالمش، يمكىنى بيله ترك ايتمش، فاصله سز چالشمشدر.
دينه بيليركه بومبجل سردار، ملت و اورده ايجون
وجودنى اسراف ايتمكه عادتا بر حظ مخصوص دويويور.
بوتون جسمانى و روحانى قابليتلىله كندى كنديسى عمومك
منفعتنه وقف ايتمشدر.

فوزى پاشا حضرتلر قى معيتى و مادوتلرى پك سورلر.
مشاراليه اك جدى زمانلرده بيله شدتلى فقط طاتلى بر
آمردر. امرلرندن هيچ برى، معيتنده بر آنغاريه زحمتى
حصوله كتيومن، چونكه حرارتلى بر رضاي قابله اجرا
اولونور. كذلك هر كس اوكره نمشدر كه فوزى پاشا
حضرتلرينك ويريكي تعليمات، آنى وكچيجى بر ملاحظه دن
زياده، تأنيه احضار ايدلمش بر فكر و قرارك محصوليدر.
بناء عليه تطبيقى هر حال واحتماله صوك درجه فائده ليدر.
حرب واديسنده بويوكلكلر ياراتان فوزى پاشا
حضرتلرى، صلح پروردلر. تورك واجنبى غزته جيلرينه
هر بياناتده بولوندى قلرى زمان، صاحى حرارتله توزه دكلرينى
واوردونك يكانه غايه سى، صاحب حقيقيسى اولان بويوك

تورك ملتته ، انكشافى ايچون الزم بر صلح دائمى تأمين
ايتمك اولديغنى تكرر تكرر سويله مشلردر .

ايركچ امضالانہ جق اولان مصالحه دن صوكراء ، يالكز
تورك ملتى دكل ، شرق حربندن متضرر اولان بوتون
ملتله ، بويكى و طاتلى صلحى محترم فوزى پاشا حضر تلييله
سلاح آرقه داشلرينه بورجلى اوله جقلردر .



اورخانیہ مطبعہ سنک نشر ایستدیکي کتابلر :

مصطفی کمال پاشا

میرموقلفی کنجلیکی — سیاسی — عسکری مہانی

بویوک خلاصکارمنك دوغدینی کوندن صوڪ
مظفرتیمزه قدر حیاتنك اك مهم وقعه لری، قهرمانلقاری
وخصوصی حیاتی بوکوجوڪ اثره درج ایدلمشدر .
هرکسك دقتاه اوقومه سی لازمدر . بش غروش فیآتله
صاتیلیر .

عصمت پاشا

چوجوقلانی وکنجلیکی — اردوده وآنادولوده کی حیاتی
محترم خارجیه وکیلزك چوجوقلانی وکنجلیکی اردوده کی
حیاتی وآناتولو قورتولوش جنکارنده کی مظفرتی ، شخصیتی
حقنده کی معلومات بوکوجوڪ اثره درج ایدلمشدر . بش غروش
فیآتله صاتیلور .

کاظم قره بکر پاشا

شرق جبهه سی سردارمنك اردوده کی حیاتی ، تورك یتیم
یاورولریله اشتغالی ، ارمنی آقیننی تشکیل وقارص عهدنامه سی
حاوی اولان بوآثر بش غروش فیآتله صاتیلمقدهدر .

رافت پاشا

استانبولك ایلك شرفلی ممثلی اردوده وآنادولوده واستانبولده
فعالیتی ، ترجمه حال رسمیمی و شخصیتی حقنده یازیلان بوآثر
بش غروش فیآتله صاتیلمقدهدر .

کنجلیکمز

۸۰ صحیفه ایچنده ، ای کاغده طبع ایدلش باشلی باشنه بویوک برحکایه در . « پامی صفا » بکک یومی غزته وهفته لق مجموعه لرده هیج انشار ایتمه مش ، یکی واک صوک اثریدر . بویونکی کنجلیکک پک علاقه دار اولدینی وقعه لری وحسیاتی تصویر وحکایه ایتمکده در . فیثاتی ۲۰ غروشددر .

مجموعه الحان

آلتی یوزی متجاوز اک یکی شریقلردن منتخب اولان بوشرقی مجموعه سی یکریمی اوچ فصلی حاویدر . وهر فصل نهایتنده بالاخره چیقجه جق یکی شریقلری یازمق ایچون بوش صحیفه لر براقیلمشدر . بتون هوسکاران موسیقینک برر دانه ایدیلرلی ایچون جیمه صیغه جق برطرزده آئی کاغده اوزرینه نفیس بر صورتده طبع ایدیلرلک ۴۰ غروش فیثانله صاتیلیمکده در .

آتش اولورده یاقمازی ؟

حیات اجتماعیه مزک ده رین وقانلی یارالردن برینی شرح واره ایدن بوملی حکایه یی بوتون عربیانلنی ، بوتون آجیلغیله انظار قارئینه وضع ایله مطالعه سنی توصیه ایدهرز . فیثاتی ۱۵ غروشددر .

نی غمارک اوتوز اوچ کیجه سی

روحاً تماماً کنج قالمش ، قوجامامش شوخ ، شاقراق براختیارک حیات شبانه عائد اوتوز اوچ کونلک تحف تحف خاطره لری حاوی ملی برحکایه کتابیدر . او قویانلری قاتیلناجق قادار کوله وره ن کوله نلری تکرار او قومغه سوق ایدن بوکتاب ۴۰ غروشددر .

ناجر الله جین

محررین عثمانیه دن ناظم بک طرفدن چوجققلر ایچون یازیلان بوملی اخلاقی شرق ماصالی ۵ غروشددر .

520

men

edit

آتش بوجکری

محرری : پیامی صفا بك

قارئین من طرفین فوق العادہ رغبت و مراقبہ ایلہ اوقونان
 «سوزدہ قیزلر» رومانی مؤلفی پیامی صفا بك کتاب حالتہ جیفمایان
 اك يكي حكاية لری ، یاقیندہ ظریف بر جلد حالتہ نشر ایدیلہ جقدردر .
 بو اثرده یکر میدن فضله کوچوک و بویوک حكاية واردر . اون فورمه
 طوقان وقاباغنك رنگلی رسمی ، صورت مخصوصهده ، اعتنا ایلہ
 حاضرلایان بو قیمتلی اثرده اورخانیه مطبعه سی طرفندن طبع و نشر
 ایدیلہ جك ، ۲۵ غروش فیثالہ صـ اتیلہ جقدردر . مندرجاتی تشـکیل
 ایدن حكاية لر :

آتش بوجکری	طاوشان	جواب
آنادولوده برکیجه	یان کسیچی	مجهول قهرمان
چاقیللر	غازی	جمال بك
پنبه یالی افسانه سی	دهلی	معزز خانك عاشقی
ماوی کوزلو مسافر	آیریلق	طوبوفلی ترلك
تداوی	توان سه وکیلی	ترقی به حاضرلق
اخلاقه عائد بر بحث	هدایت بكك فقهه سی	
عشق سزلر	ارضوانلر	

3 1761 06979392 5



DR
592
04S2